

中宗恭僖徽文昭武欽仁誠孝大王實錄卷之七十四

三月甲辰朔諫院啓曰戶曹非如常時之例救荒方急判書須當專掌措置如救焚拯溺不容少緩其任尤重於平時雖以任其職詳知其司之事百倍措置猶恐有未盡之事近來頻數逆代經費出入之數未暇詳知况望其措置荒政乎判書柳溥性本疎迂且泥而不通若如事歇他曹則已矣如此救荒方急之日豈稱其地乎臣等并不知之人專以救荒為重故敢啓傳曰柳溥依啓適之○夜巽方有氣如火○乙巳傳于政廳曰戶曹判書柳溥昨日諫官論啓故已命適之但當初擬望時無可注擬之人故以有病者猶備其望柳溥亦以浮證呈病受由予非不知也然當為判書者惟柳溥為可當而備望之中亦有有病者故以溥為之耳正二品宰相數少僅充六卿不知吏曹今以何人備望耶既以柳溥為不合而逆之則須以優於柳溥者差之也今年凶荒近古所無而不出賑恤使賑恤之責兼付於戶曹戶曹之任尤重於吏兵曹兵曹判書尹殷輔詳明人也欲以此人為戶曹判書何如且柳溥與工曹判書安潤德相換亦何如潤德累經也曹判書固非偶然之人但今已老不知其合否也且二品以上有下不得擅便作成而用也作成之權